

Ասէ Գասպար Թազաւորն, յորժամ զկնդրուկն տարայ մատուցի առաջի նորա, տեսի զնա մարմնով որդի Աստուծոյ բազմեալ յաթոռ փառաց և զօրք անմարմինք սպասաւորէին նմա: Ասէ Պաղտասար. և ի մտանելն իմոյ՝ տեսի զնա նստեալ ի բարձրութեան գահոյից և զօրք բազմութեան առաջի նորա՝ որք անկեալ երկիր պապանէին նմա: Ասէ Մելքոն. ես մարմնով տեսի զնա ի չարչարանս մեռեալ, դարձեալ յարուցեալ իսկ եւ կենդանի: Զայս իբրեւ լուան Թազաւորքն ի միմեանց, հիացումն եղեալ զարմանային և ասեն. զի՞նչ են նոր սքանչելիքս որ ցուցաւ մեզ, որ նման միմեանց ոչ են վկայութիւնքս, հաւատալի գործ զոր աչօք մերովք իսկ տեսանեմք:

Եւ ի վաղիւն յարուցեալ Թազաւորքն ասեն ցմիմեանս. եկայք միաբան երթիցուք ի յայրն, և տեսցուք թէ այլ ինչ նշան երևի մեզ: Եւ գնացեալ Պաղտասար, այն որ առաջին զտեսիլն ոչ ետես, այլ որդի մարդոյ մարմնաւոր Թազաւորի յայտնեցաւ նմա: Եւ Գասպար ետես զմանուկն բազմեալ ի յանբանից մըսուր. և ետես զերկրորդ տեսիլն և պատմեաց նոցա, եթէ առաջին տեսիլն ոչ տեսի, այլ զքոյդ Պաղտասար, զոր ասացեր: Յայնժամ եմուտ Մելգոն և ետես զՅիսուս բազմեալ ի վերայ գահոյիցն, եւ զառաջին տեսիլն ոչ ետես, որ մեռեալ էր, և դարձեալ կենդանի ետես զնա՝ այլ զոր Գասպարն ետես զնա մարմնով Աստուած ծնեալ ի կուսէն, և վաղվաղակի խընդութեամբ գնաց Մելգոն և պատմեաց եղբարցն: Զայս տեսեալ Թազաւորացն ամենեցուն եւ գնացեալ նոցա առանձինն միաբանեալ նստան, և սկսեալ միմեանց պատմեցին զտեսիլն զոր ծանեան և իմացան: Ասեն ցմիմեանս. եղբարք, եկայք գնացուք ի տեղի իջե-